

Allegato C)



Cumuni di Lungòni
Assessoratu di la Cultura



Regioni Ottonoma di la Saldigna
Assessoratu di la Cultura



Cumuni d'Agghju



26° PREMIU DI PUISIA GADDHURÉSA E COSSA “LUNGÒNI”

Giuria

Pierantonio	BARDANZELLU	(Presidènti)
Franco	FRESI	(Cummissariu)
Andrea	MUZZEDDU	“
Jean Marie	ARRIGHI	“
Pierre	LECA	“

La scadenza pa prisinità li puisii è lu 22 di Sant'Andria 2021

Pa infurmazioni silvitivi di chisti nummari di telefonu: 0789 740984 – 0789 740983 (Biblioteca Cumunali “Grazia Deledda”), mail: cultura@comunesantateresagallura.it, www.comunesantateresagallura.it

**Zirimonia di primiazioni: 11 di Natali 2021
a l'11 di matina sezzioni cioani
a li 4 di sirintina sezzioni manni**

Triattu Cumunali “Nelson Mandela”
Carrera Pertini, 11 – Lungòni (SS)

Allegato C)

BÀNDIU

1. Lu premiu di puisia gaddhurésa e cossa “**LUNGÒNI**” accetta cumpunimenti mai publicati o primati in alti cuncursi. L’argumentu è libbaru, in rima o no.

2. Lu cuncursu si dividi in dui sezioni: una in lingua gaddhurésa e una in lingua cossa: dugna sezioni ha dui sottusezioni risilvati a li cioani: da 6 a 10 anni e da 11 a 18 anni. L’etai déi esse pricisata pa’ iscrittu illa prisintazioni di la puisia; chena pricisazioni l’opara sarà ghjudicata illa sezioni di li manni.

3. Si paltizipighja a una sola sezioni di li dui linghi cu una puisia no più longa di coranta righe. Li puisii déni esse scritti a macchina o a lu computer; saria gradita la traduzioni in lingua italiana.

4. L’opari prisintati non pon’ae nisciun drittu d’autori e fèlmani di proprietài di lu Cumuni di Lungòni, chi podarà utilizzalli pa cassisia scopu culturali e chena nisciun’ ùbblicu illi cunfronti di li pueti.

5. Li puisii déni esse spidùti solu pal lu mèzu di la posta elettronica a : info@comunestg.it. La mail déi aé pa ugghjettu: Premio di poesia "Lungòni 2021". Si raccomandanda di mandà dui file pa dugna ópara prisintata, in chistu modu:

-un file chena nommu, cu titulu, cumpunimentu e sezioni. Lu file déi esse in fulmàtu DOC.

-un altu file cu titulu, ópara, nommu e sangunigghju di l’autori, locu e data di nascita, codici fiscali, indirizzu, nummaru di telefonu e mail. Lu file déi esse in fulmàtu pdf.

6. Li puisii déni arrià no più a taldu di l’una dapoi mezudì di lu 22 di Sant'Andria 2021 (farani fidi l'orariu e la ciurrata di paltenza di la puisia).

7. Lu chi dizzidi la ghjuria no si discutti e la paltizipazioni a lu cuncursu cumpolta l’accettazioni di lu bàndiu.

8. Pa li sezioni risilvati a li manni li premi sò:

1^a Premiu: € 700,00 e la talga “Lu Cumuni di Lungòni” pa la sezioni gaddhurésa; € 700,00 e la talga “Jean Baptiste Stromboni” pa la sezioni cossa.

2^a Premiu: € 500,00

3^a Premiu: € 250,00

9. Vi sò ancora alti prémii: la talga “Gianni Filigheddu” pa la mèddhu puisia di strau; la talga “Andrea Quilichini” pa a la meddhu puisia d’argumentu sociali; la talga “Giulio Cossu” pa la meddhu puisia sistata in modu rinuatu.

10. Pa li cattu sezioni cioani li premi sò:

1^a Premiu: € 200,00

2^a Premiu: € 100,00

11. Li vincidori sarani avviltuti pa telefonu, chena spalisa lu premiu chi ricearani. Aaràni dui mesi di tempu pa ritirà lu premiu.

12. L’ingarrigata di lu pruzidimèntu di lu Cumuni di Lungòni, Roberta Careddu, è responsabili ancora di li rilazioni cu la giuria e cu li pueti; 0789 741317, e-mail: cultura@comunesantateresagallura.it, pec biblioteca@pec.comunestg.it.

13. Infulmazioni e cunniscenza di li documenti di li passoni.

Dugna infulmazioni sarà impriata solu pa chistu pruzidimèntu, sigundu cantu dici lu Regulamentu UE 2016/2019 di lu Parlamentu Europeu e di lu Cunsigliu di lu 27 Abbrili 2016.

Lu trattamentu di l’infulmazioni sarà fattu cu li mezi infulmatichi e ancora a manu da palti di passoni ingarrigati pa chistu trabaddhu.